

Bulletin

Amtelike nuusbrieff van die Munisipaliteit Overstrand

VLEKLOSE FINANSIËLE EN DIENSLEWERINGSPRESTASIE

Die Overstrand Munisipaliteit is trots om aan te kondig dat die Ouditeur-Generaal van Suid-Afrika 'n skoon audit vir die 2012/2013-boekjaar aan die munisipaliteit toegeken het.

"In die Wes-Kaap het 11 van die 30 munisipaliteite 'n skoon audit behaal en die Overstrand is een van hulle," het Overstrand se Burgemeester Nicolette Botha-Guthrie gesê.

Die Burgemeester het die aankondiging by 'n spesiale raadsvergadering gemaak wat op Woensdag, 22 Januarie 2014, by die auditorium gehou is en waartydens die konsep-Jaarverslag voorgelê is.

Overstrand Munisipaliteit het vir ses opeenvolgende jare 'n ongekwalifiseerde auditverslag ontvang - vanaf die 2006/2007-boekjaar tot die 2011/2012-boekjaar. 'n Ongekwalifiseerde auditverslag beteken dat alhoewel die munisipaliteite se sake in orde was, daar sekere aangeleenthede was waaraan die munisipaliteit nog aandag moes skenk.

'n Skoon audit word behaal wanneer die finansiële nakoming en verslagdoening oor diens

lewering in orde is - op voorwaarde dat staathulpbronne doeltreffend vir die beoogde doeleindes aangewend is.

Volgens die Ouditeur-Generaal:

- was daar geen bevindings van enige wesenlike wanvoorstellings in die finansiële state wat kragtens artikel 122 van die Wet op Plaaslike Regering: Munisipale Finansiële Bestuur (Wet 56 van 2003) deur die munisipaliteit voorberei is nie;
- was daar geen wesenlike bevindings van enige gevalle van wesenlike nie-nakoming van spesifieke aangeleenthede in wetgewing en regulasies van toepassing op die munisipaliteit nie; en
- was daar geen wesenlike bevindings in die jaarverslag ten opsigte van die nuttigheid en betroubaarheid van die inligting wat deur die munisipaliteit bekendgemaak is nie.

Dit beteken dat die Overstrand Munisipaliteit vir die 2012/2013-boekjaar 'n skoon audit vir sy finansiële prestasie en diensleweringprestasie behaal

het.

"Ek wil 'n ieder en 'n elk bedank, vanaf die plaaslike politici, die administrasie, die eksterne auditkomitee, die eksterne prestasie-auditkomitee tot die kantoor van die Ouditeur-Generaal vir hulle harde werk en verbintenisse om hierdie doelwit van 'n skoon administrasie te bereik," het Burgemeester Nicolette Botha-Guthrie gesê. Al die gemeenskappe in die Overstrand kan gerus wees dat die Overstrand Munisipaliteit in goeie en bevoegde hande is.

Die konsep jaarverslag van 2012/13 sal tot Vrydag, 28 Februarie 2014, vir publieke insae en kommentaar beskikbaar wees. Dit is verkrygbaar op die munisipale webwerf www.overstrand.gov.za en drukstukke sal by administratiewe kantore en openbare biblioteke beskikbaar wees.

Die Raad sal op 'n vergadering wat op 26 Maart 2014 gehou sal word, oorweging skenk aan die finale jaarverslag asook alle kommentaar en vertoe wat ontvang is. Hierdie vergadering sal oop wees vir die publiek.

LEEF ONTWERP - VERANDER LEWENS

Kaapstad is die Wêreldontwerphoofstad (WDC) 2014 en twee van Overstrand Munisipaliteit se innoverende waterprojekte is gekies om te beklemtoon hoe ontwerp die lewens van mense en gemeenskappe kan verander en herstelvermoë kan bou.

Die oorkoepelende tema van die WDC 2014 is "Leef Ontwerp - Verander Lewens" - om ontwerp en kreatiewe denke te gebruik om lewens te verbeter.

Stephen Müller, Direkteur: Infrastruktuur en Beplanning, het gesê Wêreldontwerphoofstede erken die waarde van kreatiewe denke en is daartoe verbind om ontwerp as 'n instrument vir sosiale, kulturele en ekonomiese ontwikkeling te gebruik.

Volgens Umvoto Africa, 'n toegewyde vennoot van die munisipaliteit en niskonstant in water- en grondwetenskap, is uitsonderlike projekte wat skaal en impak demonstreer en/of 'n bydrae tot die WDC 2014-visie lewer, gekies om deel van die program te wees. Overstrand Munisipaliteit se ondergrondse waterhulpbronne help om munisipale watervoorsiening vir Hermanus en omliggende gebiede te versterk en diversifiseer en het dus erkenning in die amptelike program ontvang.

Ons twee projekte:

HERMANUS

Overstrand Munisipaliteit baan die weg met die diversifisering van waterbronne en die bestuur van die berging van oppervlaktwater tesame met grondwater.

Overstrand en Umvoto het baie mylpale met hierdie projek bereik, insluitend die installering van 'n telemetriestelsel vir afstandsondermonitering en die beheer van abstraksiekoerse, asook die onderneming van eksperimentele studies om die monitering van die streek se watertafel

by wyse van satelliet-GPS te ontwikkel. Laasgenoemde was 'n eerste van sy soort in Suid-Afrika en is deur die Kommissie vir Watervoorvoorsiening ondersteun.

STANFORD-AKWIFEER

(Waar ondergrondse water in redelik groot hoeveelhede voorkom, word dit na verwys as 'n akwifer.)

Die potensiaal van grondwatergebruik maak toenemend sin vir vooruit-denkende munisipaliteite wat as gevolg van 'n hoër aanvraag op residensiële, sake- en ontspanningsgebied voor groeiende watertekorte te staan kom.

Stanford se watervoorsiening was vir baie jare afhanklik van 'n fontein, wat alom bekendstaan as "Die Oog". Die dorp se groeiende vraag na water het egter Die Oog se volhoubare opbrengs begin bereik en ten einde toekomstige watervoorsiening te versterk, het die ontwikkeling van twee boorgate in die Koude Vlake-boorgatveld 'n noodsaaklikheid geword.

"Behoorlik bestuurde grondwater het baie voordele bo oppervlaktwater, aangesien akwifere, anders as reservoires en damme, nie aan groot verliese weens verdamping blootgestel is nie. Die koste van boorgate en die pomp van water is gewoonlik 'n breukdeel van die koste om damme te bou.

"Grondwater word deur reënval hervul en is dus 'n volhoubare opsie, op voorwaarde dat die abstraksie van grondwater behoorlik gemonitor en bestuur word om te verseker dat minder water onttrek word as wat deur reën hervul word," het Rowena Hay van Umvoto gesê.





KANSA AFLOS VIR DIE LEWE

Burgemeester Nicolette Botha-Guthrie moedig die gemeenskappe van Hermanus, Kleinmond en Gansbaai aan om hierdie jaar se Overstrand Relay for Life (Aflos vir die Lewe) te ondersteun. Die geleentheid sal oornag plaasvind op 15 en 16 Maart 2014 by Hermanus Hoërskool se sportterrein.

Besoekers en ondersteuners van die aflosspanne sal vir die volle duur van die geleentheid vermaak word en daar sal talle kosstalletjies wees om die eetlus te prikkel.

Die KANSA Relay for Life is deel van 'n internasionale beweging wat bewustheid skep oor kanker en die mense wat die siekte oorleef het. Dit poog verder om die lewens te vier van geliefdes wat oorlede is en om ondersteuning aan kankerlyers te bied.

Vir nadere inligting, besoek die webwerf www.relayforlife.co.za of skakel KANSA se kantore by 028 316 1486.

MEER WERK, BETER WERK, BEHOORLIKE WERK VIR ALMAL

Die Uitgebreide Openbare Werkeprogram (UOWP) is ingevolge 'n Ministeriële Kode van Goeie Praktijk vir Openbare Werkeprogramme ingestel. Die projek is deur die Departement van Plaaslike Ekonomiese Ontwikkeling (PEO) aanvaar en is 'n landwyse program wat inkomste- en armoede-erligting verseker deur werk te skep vir werkloos in die vorm van sosiaal-nuttige aktiwiteite en arbeidsintensiewe projekte.

Die UOWP is 'n aansporingstoelae, aangesien dit plaaslike munisipaliteite in staat stel om tydelike werksgeleenthede in hul onderskeie gemeenskappe te voorsien.

Ten einde aan hierdie program deel te neem, moet begunstigdes werklose plaaslike inwoners wees wat graag werkondervinding wil opdoen. Sommige van die projekte is baie arbeidsintensief en word gewoonlik geïmplementeer om 'n diens te verskaf wat tot voordeel van die gemeenskap is.

Altesaam 203 werkgeleenthede is gedurende die eerste kwartaal van die huidige boekjaar onder die UOWP geskep. Die aantal begunstigdes in die Overstrand-streek wat by die onderskeie projekte gebaat het, word hieronder aangedui.

Padveiligheid	19	Skoonmaak van geboue	
Gemeenskapsveiligheid	29	by taxistaanplekke	2
Brandbeskerming		Duiwelsgat-staproete	1
in die gemeenskap	50	Dibanisa-omgewingsprojek	7
Parkeerbestuursdienste	36	Gansbaai-afvalverwyderingsprojek	9
UOWP- Administratiewe assistente	4	Hermanus-afvalverwydering	10
Instandhouding van sportterreine	5	Kleinmond-afvalverwydering	10
Skoonmaak van toilette		Bergfietsroete	3
in Masakhane	4	Hermanus- vaste afval	8

Indien u werkloos is en graag wil deelneem aan die verskeie projekte in brandbestryding, skoonmaak, pad- en gemeenskapsveiligheid, sal u besonderhede op 'n databasis vir toekomstige oorweging geplaas word. Besoek die PEO-inloopsentrum by Myrtlestraat 3, Hermanus en bring u CV en 'n afskrif van u ID saam. U sal 'n Behoeftebepalings-vorm moet voltooi.

Vir nadere inligting, skakel asseblief Chantelle Hill, PEO-projekkoördineerder, by 028 313 5012.

EARTH HOUR-FEES IN HERMANUS 29 MAART 2014

Whale Coast Conservation sal ter viering van Earth Hour 'n wonderlike fees op die Fisherman's Village-kunsmark in Hermanus aanbied. Hierdie daglange fees van opvoeding en vermaak sal besoekers deur "Maanlig-laan" en 'n unieke "Mark by Maanlig" lei. Die hoogtepunt is die uur tussen 20:30 en 21:30, wanneer die ligte afgeskakel word en ons simbolies eenheid betoon met ten minste 7 000 stede en dorpe in 150 lande wat sê, "Ek gee om vir my planeet!"

Die Mark by Maanlig is 'n laan vol lantern-beligte stalletjies waar handelaars eet- en drinkgoed te koop sal aanbied. Die laan sal eindig in 'n binnehof van vermaak, waar 'n vol program van verhoogopvoerings en items vanaf 12-uur aangebied word.



Kleinmond kry nuwe Areabestuurder

Desmond Lakey is aangestel as Kleinmond se nuwe areabestuurder met ingang van 1 Maart. Hy volg Cecile Jonkheid op wat einde Desember afgetree het.

Desmond beskik oor 'n aantal kwalifikasies, waarvan twee in die regte is. Hy is 'n toegelate prokureur en was die afgelope sewe jaar aan die hoof van Overstrand Munisipaliteit se Regsdepartement. Hy het ook, onder andere, 'n sertifikaat in Munisipale Finansiële Bestuur van die Universiteit van Pretoria verworf soos deur wetgewing voorgeskryf.

"As hoof regsadviseur het ek oor die jare vertrou geraak met die talle uitdagings wat deur die munisipaliteit op verskeie terreine die hoof gebied moet word, veral gesien in die lig van die feit dat dit as 'n plaaslike sfeer van regering burgers binne beperkte hulpbronne op voetsoolvlak moet bedien. Dit is in die lig hiervan dat ek as die nuwe Senior Bestuurder van die Kleinmondse Administrasie my daartoe verbind om die Raad se strategiese doelwitte en haalbare behoeftes van die gemeenskap binne die voorgeskrewe wetlike en finansiële raamwerk te dryf", het Desmond gesê.



Desmond Lakey

STERK FINANSIËLE PRESTASIE TOT HEDE

Die halfjaarbegroting en prestasie-assesseringsverslag vir 2013/14 is op 22 Januarie 2014 tydens 'n spesiale vergadering van die Burgemeesters-komitee en die Raad ter tafel gelê, soos voorgeskryf deur die Wet op Plaaslike Regering: Munisipale Finansiële Bestuur, 2003 (MFMA).

35.17% van die totale goedgekeurde kapitaalbegroting van R123,5 miljoen is jaar-tot-hede bestee, maar as bevestigde tenders ingesluit word, kom kapitaalbesteding op 60% te staan. Ongeveer 45% van die begroting vir bedryfsuitgawes van R824 059 174 is teen die einde van Desember 2013 bestee. Die munisipaliteit se positiewe kontantvloei het vir die genoemde tydperk stabiel gebly. Die verslag het geen potensiele geldelike probleme of risiko's aangedui nie.

Wat prestasiebestuur betref is die munisipaliteit op dreef om sy teikens en prestasie-aanwysers te bereik wat in die Dienslewering-en-Begrotingsimplementeringsplan (DLBIP) gestel is. Die munisipaliteit het 326 (86,47%) van altesaam 377 sleutelprestasie-aanwysers vir die tydperk Julie 2013 tot Desember 2013 nagekom. Twintig (5,3%) van die SPA's is bykans nagekom en 31 (8,2%) is nie nagekom nie.

Die Kwartaallikse Begrotingsverslag vir Desember 2013 is ook kragtens artikel 52(d) van die MFMA ter tafel gelê.

HET U VRAE OOR BELASTING VIR DIE SAID?

Let asseblief daarop dat die Suid-Afrikaanse Inkomstediens (SAID) die Overstrand op onderstaande datums sal besoek vir alle SAID-verwante navrae soos belastinguitklaring, statusverslae en belastingopgawes:

18 - 19 Februarie	25 - 26 Maart
10 - 11 Junie	15 - 16 Julie
19 - 20 Augustus	30 September - 1 Oktober
4 - 5 November	

Hulle sal op die eerste genoemde datum vanaf 08:00 tot 18:00 beskikbaar wees en op die tweede genoemde datum vanaf 08:00 tot 14:00.

Vanaf Februarie 2014 tot Junie 2014 sal SAID in Harmony House langsaan die Overstrand Munisipale biblioteek gesetel wees.

Die lokaal vanaf Julie 2014 sal nog bekendgemaak word.

Navrae: Nawaal van Rooy per e-pos: nvanrooy@sars.gov.za

OVERSTRANDERS KAN BINNEKORT TWEE KLAVIER UITVOERINGS GENIET



Konstantin Soukhovetski, Eerste Pryswenner by die 2007 New Orleans Internasionale Klavierkompetisie, sal om 19h00 op Saterdag, 22 Maart, die volgende werke speel:

Prelude and Fugue in C# minor Vol. I van Bach; The Hours van Philip Glass; Moonlight Sonata, Op.27 No.2 van Beethoven; Fantasie in d-minor van Mozart; La Vallée d'Obermann van Liszt en Soukhovetski - Capriccio van R. Strauss.



Konstantin Soukhovetski



Ching-Yun Hu

Die konsertpianis, Ching-Yun Hu, besoek die Overstrand 'n tweede keer en gee op Sondagmiddag, 6 April, om 15h30 'n uitvoering.

Beide konserte vind plaas in die Munisipale Ouditorium in Hermanus. Skakel BELLINI GALLERY vir besprekings op 028 312 4988. Skakel René du Plooy (sekretaresse) op 082 940 4238 vir verdere inligting.